

CBETA電子佛典集成

CBETA Chinese Electronic Tripitaka Collection
eBook

T19n0930

無量壽如來觀行供 養儀軌

唐 不空譯

目次

- [編輯說明](#)
- [章節目次](#)
- [卷目次](#)
 - .001,
- [贊助資訊](#)

編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

No. 930

無量壽如來觀行供養儀軌

開府儀同三司特進試鴻臚卿肅國公食邑三千戶賜紫贈司空諡大鑒正
號大廣智大興善寺三藏沙門不空奉 詔譯

爾時金剛手菩薩在毘盧遮那佛大集會中，從座而起，合掌恭敬白佛言：「世尊！我為當來末法雜染世界惡業眾生說無量壽佛陀羅尼，修三密門證念佛三昧，得生淨土入菩薩正位。不以少福無慧方便得生彼剎，是故依此教法正念修行決定生於極樂世界上品上生，獲得初地。若在家出家願生淨土者，應先入曼荼羅得灌頂已，然後從師受念誦儀軌。或於勝地或隨所居，塗拭清淨建立方壇，上張天蓋周匝懸幡。壇上分布八曼荼羅，磨白檀香用塗聖位。於壇西面安無量壽像，持誦者於壇東坐，面西對像而坐，或敷茅薦或坐卑脚小床。每日三時散種種華、燒種種香、置二闍伽，或用盆盃及金銀銅石瓷瓦等器未經用者，盛滿香水置於壇上。於壇四角安四賢瓶，燒香、燈明、塗香、飲食隨力所辦，一一加持懇重供養。行人每日澡浴著新淨衣，或用真言加持以為澡浴。即思惟觀察：『一切有情本性清淨，為諸客塵之所覆蔽，不悟真理、迷失菩提，淪溺生死受無量苦。是故說此三密加持，令自他皆得清淨。』即以二手蓮花合掌，誦淨三業真言三遍。真言曰：

「『唵(引)娑嚩(二合)婆嚩訶(詩聿反)馱(引)(一) 薩嚩達磨(入引)
(二) 娑嚩(二合)婆(去)嚩戍(引，准上)度哈』

「由此真言加持故，即成清淨內心澡浴。每入道場時，對本尊前端身正立，蓮花合掌閉目運心，想在極樂世界對無量壽如來并諸菩薩眷屬，則以身五體投地，想於一一佛菩薩前恭敬作禮。即誦普禮真言曰：

「『唵(引)薩嚩怛他(引)蘊跢(一) 播(引)那滿娜曩(上)迦嚕弭(二)』

「即右膝著地合掌當心，虔誠發露懺悔無始已來一切罪障，則隨喜諸佛菩薩聲聞緣覺一切有情所修福業。又觀十方世界所有如來成等正覺者，請轉法輪。所有如來現涅槃者，請久住世不般涅槃。又發願言：『我所積集禮佛、懺悔、隨喜、勸請無量善根，以此福聚迴施一切有情，願皆得生極樂世界，見佛聞法速證無上正等菩提。』然後結跏趺坐或半加坐，右押於左。以香塗手，先結佛部三昧耶印：以二手虛心合掌，開二頭指微屈各附中指上節，又開二大指各捻二頭指下第一文。結印成已，想無量壽如來三十二相八十種好了了分明。即誦佛部三昧耶真言曰：

「『唵(引)怛他(引)誡覩(引)(一) 納婆(二合)嚩(引)耶娑嚩(二合)賀(引)』

「誦三遍或七遍，安印頂上散。由結此印及誦真言，警覺佛部一切諸佛皆來集會加持護念修真言者，速令獲得身業清淨，罪障消滅福慧增長。

「次結蓮花部三昧耶印：二手虛心合掌，二大指二小指各頭相捻，餘六指微屈如開敷蓮花形即成。結此印已，想觀自在菩薩相好端嚴，并無量俱胝蓮花族聖眾圍遶。即誦蓮花部三昧耶真言曰：

「『唵(引)跛那謨(二合引)(一) 納婆(二合)嚩(引)耶娑嚩(二合)賀(引)(二)』

「誦三遍或七遍加持，安印於頂右便散。由結此印及誦真言，警覺觀自在菩薩及蓮花部聖眾皆來加持行者，獲得語業清淨，言音威肅令人樂聞，得無礙辯才說法自在。

「次結金剛部三昧耶印：二手左覆右仰令背相著，以右大指叉左小指，以左大指叉右小指，中間六指縛著手腕如三股杵形即成。結印當心，想金剛藏菩薩相好威光，并無量執金剛眷屬圍遶。即誦金剛部三昧耶真言曰：

「『唵(引)嚩日嚩(二合引)(一) 納婆(二合)嚩(引)耶娑嚩(二合)賀(引)(二)』

「誦三遍或七遍加持，安印於頂左便散。由結此印及誦真言，警覺金剛藏菩薩并金剛部聖眾皆來加持行者，獲得意業清淨，證菩提心，三昧現前，速得解脫。

「次結被甲護身印：二小指二無名指右壓左內相叉，二中指直豎頭相拄，二頭指屈如鉤形附中指背勿令相著，二大指並豎捻名指即成。結印當心，誦真言印身五處各誦一遍，先印額、次右肩、次左肩、印心及喉，是為五處。即起大慈悲心遍緣一切有情，願皆被大慈悲莊嚴甲冑，速令離諸障難，證得世間出世間上上殊勝成就。如是觀已，即成被金剛甲，一切諸魔不敢障難。護身真言曰：

「『唵(引)嚩日囉(二合引)儼爾(二合)(一) 鉢囉(二合)捻(万叶反引)跛踰(二合)野娑嚩(二合)賀(引)(二)』

「由結此印誦真言，慈心愍念力故，一切天魔及諸障者悉見行人威光赫奕由如日輪，各起慈心不能障礙，及以惡人無能得便，煩惱業障身不染著，亦護當來諸惡趣苦，疾證無上菩提。

「次結地界金剛橛印：先以右中指入左頭中指間，右名指入左名小指間，皆頭外出，以左中指繳右中指背入右頭中指間，以左名指繳右名指背入右名小指間，二小指二頭指各頭相拄，二大指下相捻即成。結此印已，想印如金剛杵形，以二大指向地觸之，誦真言一遍一印於地。如是至三，即成堅固金剛之座。下方真言曰：

「『唵(引) 呾里呾里(一) 嚩日囉(二合) 嚩日哩(二合)(二) 步(引) 囉滿
馱滿馱(三) 吽發吒(四)』」

「由結此印及誦真言加持力故，下至金剛輪際成金剛不壞之界，大力諸魔不能搖動，少施功力大獲成就。地中所有其惡穢物，由加持力故悉皆清淨。其界隨心大小即成。

「次結金剛牆印：准前地界印，開掌揲豎二大指如牆形即成。想從印流出熾焰，以印右旋遶身三轉稱前地界，即成金剛堅固之城。牆界真言曰：

「『唵(引) 薩囉薩囉(一) 嚩日囉(二合) 鉢囉(二合)(二) 迦囉吽(引) 發
吒(半音)(三)』」

「由結此印誦真言及觀行力故，隨心大小成金剛光焰方隅牆界，諸魔惡人虎狼師子及諸毒虫不能輔近。

「次結大虛空藏菩薩印：二手合掌，二中指右押左外相叉縛著手背，二頭指相蹙如寶形即成。想從印流出無量諸供養具，衣服飲食宮殿樓閣等，如瑜伽廣說。即誦大虛空藏菩薩真言曰：

「『唵(引) 誑誑曩三(去) 婆嚩(一) 嚩日囉(二合) 斛(引)(二)』」

「修行者縱使觀念力微，由此印及真言加持力故，諸供養物皆成真實，一如極樂世界中行廣大供養者。

「次想壇中有絃哩(二合入引)字，放大光明如紅頗梨色，遍照十方世界。其中有情遇斯光者，無不皆得罪障消滅。

「次結如來拳印：以左手四指握拳，直豎大指，以右手作金剛拳，握左大指甲即成。以此拳印印地，誦真言加持七遍，變其世界。如來拳真言曰：

「『唵(引) 步(引入) 欠(一)』」

「由結此印及誦真言加持威力故，即變此三千大千世界成極樂刹土，七寶為地，水鳥樹林皆演法音，無量莊嚴如經所說。即誦伽他曰：

「『以我功德力、 如來加持力，
及以法界力， 願成安樂刹。』」

「行者由數習此定，現生每於定中見極樂世界無量壽如來在大菩薩眾會，聞說無量契經，臨命終時心不散亂、三昧現前，剎那迅速則生彼土，蓮花化生證菩薩位。

「次結寶車輅印：二手仰相叉右押左，以二頭指側相拄，二大指捻二頭指下第一文即成。送車輅真言曰：

「『唵(引) 覩嚕覩嚕吽(引)』」

「由結此印，想成七寶莊嚴車輅往彼極樂世界，請無量壽如來并諸菩薩眷屬乘此車輅。不散此印，以二大指向身撥二中指頭，便誦車輅真言曰：

「『曩莫(入)悉底哩耶(四合)(一) 地尾(二合)迦南(引)(二) 怛他(引)藥路(引)南(引)(三) 唵(引)嚩日朗(二合引)儼(妍以反)孃迦囉灑(二合)耶娑嚩(二合)賀(引)』

「則想車輅來至道場，住虛空中。

「次結迎請聖眾印：二手右押左內相叉作拳，令掌相著，左大指屈入掌，右大指曲如鉤，向身招之。即誦迎請真言曰：

「『唵(引)阿(去)嚩(引)力迦(半音)[日*壹]醯呬娑嚩(二合)賀(引)』

「由結此印誦真言奉請故，無量壽如來不捨悲願，赴此三摩地所成淨土道場，并無量俱胝大菩薩眾，受修行者供養，速令得上上成就。

「次結馬頭觀自在菩薩印：作辟除結界，二手合掌，二頭指二無名指屈入掌各自相背，並二大指微屈勿著頭指即成。誦馬頭明王真言曰：

「『唵(引)阿蜜栗(二合)姪納婆(二合)嚩吽(引)發吒娑嚩(二合)賀(引)』

「誦三遍，即以印左轉三匝辟除，一切諸魔皆自退散。以印右旋三匝，即成堅固大界。

「次結金剛網印：准前地界印，以二大指捻二頭指下第一文即成。誦真言三遍，隨誦以印於頂上右旋便散。網界真言曰：

「『唵(引)尾娑普(二合)囉捺囉(二合)乞灑(二合)嚩日囉(二合)半惹囉吽(引)發吒(半音)』

「由結此印及誦真言加持力故，即於上方覆以金剛堅固之網，乃至他化自在諸天不能違越而生障難，行者身心安樂，三摩地易得成就。

「次結金剛火院界印：以左手掌掩右手背令相著，揲豎二大指即成。想從印流出無量光焰火，以印右旋三匝，則於金剛牆外便有火焰圍遶，即成堅固清淨火院大界。火院真言曰：

「『唵(引)阿三(去)莽儼(妍以反)儺吽(引)發吒(半音)』

「次結獻闍伽香水印：以二手捧闍伽器當額奉獻，誦真言三遍，想浴聖眾雙足。闍伽真言曰：

「『曩莫(入)三滿多沒馱喃(引)(一) 誡誡曩三摩糝麼娑嚩(二合)賀(引)』

「由獻闍伽香水供養，令修行者三業清淨，洗除一切煩惱罪垢，從勝解行地至十地及如來地，當證如是地波羅蜜時，得一切如來甘露法水受與灌頂。

「次結花座印：准前蓮花部三昧耶印，稍屈指令圓滿即是。結此印已，想從印流出無量金剛蓮華遍此極樂世界中，無量壽如來及諸大菩薩一切聖眾各皆得此金剛蓮花為座。蓮花座真言曰：

「『唵(引)迦麼擺娑嚩(二合)賀(引)』

「由結蓮花座印誦真言加持，行者獲得十地滿足當得金剛之座，三業堅固猶若金剛。

「次結廣大不空摩尼供養印：二手金剛合掌，二頭指蹙如寶形，並豎二大指即成。誦廣大不空摩尼供養陀羅尼曰：

「『唵(引)阿謨(引)伽(去)布惹(自擺反)(一) 麼拏鉢納麼(二合)嚩日嚩(二合)(二) 怛他(去)藥哆尾路(引)拏帝(三) 三(去)滿多鉢(上)囉(二合)薩囉吽(引)(四)』

「此廣大不空摩尼供養陀羅尼纔誦三遍，即成於無量壽如來集會及微塵剎中雨無量廣大供養，所謂種種塗香雲海、種種華鬘雲海、種種燒香雲海、種種天妙飲食雲海、種種天妙衣服雲海、種種摩尼燈燭光明雲海、種種幢幡寶帳寶蓋雲海、種種天妙音樂雲海，普於諸佛菩薩眾會成真實廣大供養，皆由結印誦此真言供養故。獲得無量福聚，猶如虛空無有邊際，世世常生一切如來大集會中蓮花化生得五神通，分身百億，能於雜染世界拔濟受苦眾生，皆安隱利益。即於現世受無量果報，當來得生淨土。次應澄心定意專注一緣，觀無量壽如來了了分明如對目前，具諸相好，并無量眷屬及彼剎土。念念忻慕，現前獲得三昧成就。虔誠一心願生彼國，心不異緣念念相續，即誦無量壽如來讚歎三遍。讚曰：

「『曩謨(引)弭路娑(去引)野(一) 曩謨(引)弭路庾囉(引)(二) 曩謨(引)曩麼(引)進底野(二合)麁拏迦囉答麼(二合)寧(引)(三) 曩謨(引)弭路娑野爾曩野帝母寧(引)素佉(引去)嚩底姪(二合)夜(引)爾多嚩弩(鼻聲)劍娑野(引)素佉縛底孕(二合引)迦曩迦尾唧怛囉(二合)迦(引)曩喃(引)(六) 麼弩囉[牟*含](引)素藥多素帶(引)囉稜(去)訖哩(二合)耽(引)(七) 哆嚩室囉(二合)夜(引)答鉢囉(二合)體多麁拏寫地麼(上)多(都各反)(八) 鉢囉(二合)夜(引)弭擔(引)麼護麁拏(上)囉怛曩(二合)散左琰(引)(九)』

「修行者每日三時常誦此讚歎佛功德，警覺無量壽如來不捨悲願，以無量光明照觸行者，業障重罪悉皆消滅，身心安樂澄寂悅意，久坐念誦不生疲倦，心得清淨疾證三昧。即入觀自在菩薩三摩地，閉目澄心，觀自身中圓滿潔白，猶如淨月仰在心中。於淨月上想日哩(二合)字放大光明，其字變成八葉蓮花，於蓮花上有觀自在菩薩相好分明，左手持蓮花，右手作開敷葉勢。是菩薩作是思惟：『一切有情身中具有此覺悟蓮花，清淨法界不染煩惱。』於其蓮花八葉上各有如來入定結跏趺坐，面向觀自在菩薩，項佩圓光，身如金色，

光明晃耀。即想此八葉蓮花漸舒漸大量等虛空，即作是思惟：『以此覺花照觸如來海會，願成廣大供養。』若心不移此定，則於無邊有情深起悲愍。以此覺花蒙照觸者，於苦煩惱悉皆解脫，等同觀自在菩薩。即想蓮花漸漸收斂量等己身，即結觀自在菩薩印加持四處，所謂心、額、喉、頂。其印以二手外相叉，二頭指相柱如蓮花葉，二大指並豎即成。即誦觀自在菩薩真言曰：

「『唵(引)縛日囉(二合)達磨訖哩(二合入引)』

「由結此印及誦真言加持故，即自身同觀自在菩薩等無有異。

「次結無量壽如來根本印：二手外相叉作拳，豎二中指頭相跂，如蓮華葉形。結成印已，誦無量壽如來陀羅尼七遍，以印於頂上散。無量壽如來根本陀羅尼曰：

「『曩謨(引)囉怛曩(二合)怛囉(二合)夜(引)耶(一) 曩莫(入)阿(去)哩野(二合)弭跢婆耶(二) 怛他(引)藥跢(引)夜(引)囉賀(引)帝(引)三(去)藐三(去)沒馱(引)耶(三) 怛爾也(二合)他(引)(四) 唵(引)阿蜜嚩(二合)帝(五) 阿蜜嚩(二合)妬(引)納婆(二合)吠(微閉反)(六) 阿蜜嚩(二合)多三(去)婆吠(七) 阿(上)蜜嚩(二合)多藥陛(八) 阿(上)蜜嚩(二合)多悉第(九) 阿蜜嚩(二合)多帝際(自曳反)(十) 阿蜜嚩(二合)多尾訖磷(二合)帝(十一) 阿蜜嚩(二合)多尾訖磷(二合)多識(引)弭寧(引)(十二) 阿(上)蜜嚩(二合)多識識曩吉底迦嚩(十三) 阿蜜嚩(二合)多嫩(上)努批娑嚩(二合)嚩(十四) 薩縛(引)囉他(二合)娑(引)馱寧(十五) 薩縛(引)羯磨訖禮(二合引)捨乞灑(二合)孕迦隸娑縛(二合)賀(引)』

「此無量壽如來陀羅尼纔誦一遍，即滅身中十惡四重五無間罪，一切業障悉皆消滅。若苾芻苾芻尼犯根本罪，誦七遍已，即時還得戒品清淨。誦滿一萬遍，獲得不廢忘菩提心三摩地，菩提心顯現身中，皎潔圓明猶如淨月。臨命終時，見無量壽如來與無量俱胝菩薩眾圍遶來迎行者，安慰身心，即生極樂世界上品上生，證菩薩位。即取蓮子念珠安於手中，二手捧珠合掌如未敷蓮華形，以千轉念珠真言加持七遍。真言曰：

「『唵(引)縛日囉(二合)獄呬耶(二合)惹(自攞反引)跛三(去)麼曳(引)吽(引)』

「加持已，即捧珠頂戴，心發是願：『願一切有情所求世間出世間殊勝大願速得成就。』則以二手當心，各聚五指如未敷蓮華，左手持珠，以右手大指名指移珠，誦陀羅尼一遍，與娑嚩(二合)賀(引)字聲齊移一珠。念誦聲不緩不急不高不下，不應出聲稱呼真言字，令一一分明。心觀此三摩地所成淨土，及前所請來無量壽佛相好圓滿在於壇中。如是觀行了了分明，專注念誦不令間斷，遠離散動。一坐念誦或百或千，若不滿一百八遍則不充析願遍數。無量壽如來加持故，則身心清淨，乃至開目閉日常見無量壽如來。即於定中聞說

甚深妙法，於一一字一一句悟無量三摩地門、無量陀羅尼門、無量解脫門。此身等同觀自在菩薩，速能至於彼國。念誦數畢，捧珠頂戴發是願言：『願一切有情得生極樂世界，見佛聞法，速證無上菩提。』

「次結定印，即觀身中菩提心皎潔圓明猶如滿月。復作是思惟：『菩提心體離一切物，無蘊界處及離能取所取，法無我故一相平等，心本不生自性空。自性空故。』即於圓滿清淨月輪上想有訖哩(二合)字門，從字流出無量光明，於一一光明道觀成極樂世界，聖眾圍繞無量壽佛(如觀經所說)。

「如是念誦修習三摩地已，欲出道場，即結本尊印，誦根本陀羅尼七遍，以印頂上散，即誦讚歎真言。讚歎真言已，次結普供養印，誦廣大不空摩尼供養陀羅尼。又獻闍伽，心中所有祈願，啟白聖眾：『唯願聖者不越本誓成就我願。』如是念誦供養發願已，即結前火院印，左轉一匝解前所結界。復結寶車輅印，以二大指向外，撥二中指頭，誦本真言奉送聖眾。次結三部三昧耶印，各誦真言三遍。然後結被甲護身印，印身五處。即對本尊前虔誠發願禮佛，任出道場隨意經行。常應讀誦無量壽經，勿懷上慢意樂，精勤念誦印佛印塔，樂行壇施，修持禁戒、忍辱、精進、禪定、智慧。所修善品皆悉迴向，共諸眾生同生淨土上品上生，證歡喜地，獲得無上菩提記莖。

「無量壽如來心真言：

「『唵(引)路計濕嚩(二合)囉囉惹訖哩(二合入引)』

「此真言誦一遍，敵誦阿彌陀經一遍，不可說遍祕故勝故，破重障難(不能具說)。

「『唵阿蜜唎(二合)多帝[自*(尤-尤+曳)]賀囉吽』

「此法通一切蓮華部 無量壽如來念誦法。誦十萬遍滿，得見阿彌陀如來，命終決定得生極樂世界。

「無量壽如來發願陀羅尼：

「『迦哩迦嚩沙迦哩多爾也爾魯計(一) 摩以爾針多覩(二) 尾母唧旦都魯迦(三) 麼麼左素左哩帝曩(四) [日*作]薩縛怛縛(二合)跛囉麼素契曩(五) 素佉縛底孕(二合)鉢囉(二合)演覩』」

無量壽如來觀行供養儀軌

[CBETA 贊助資訊](https://www.cbeta.org/donation/index.php)

[.https://www.cbeta.org/donation/index.php](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
